

Powšitkowne WOZJEWJENJA

njedźelu, 29. septembra 2019

Nyšpor z požohnowanjom zapřahow

Towarstwo Cyrila a Metoda z.t. přeprašuje tež lětsa na wosebity nyšpor domchowanki z požohnowanjom konjacych zapřahow. Tutón budže tutu njedźelu, 29. septembra, w 14.00 hodž. w Chróścicach na łuce při Hatkach. Wosadni dujerjo nyšpor wobrubja. Wšitcy wěriwi su wutrobnje přeprašeni.

Rozmołwa wo podawkach měrliweje rewolucije

Dom biskopa Bena w Smochćicach přeprašuje wšitkich zajimcow na rozmołwu z něhdyšim korespondentom telewizijnego sćelaka ZDF Joachimom Jauerom a něhdyšim Budyskim wyšim měščanostu Christianom Schrammom, kotraž budže srjedu, 2. oktobra, w 19.30 hodž. Hłownje póndže w njej wo podawki měrliweje rewolucije, změny w Budyšinje, Němskej a Europje kaž tež wo sćehi rewolucije a što je z toho džensa nastalo. Zdobom předstaji Joachim Jauer swoju nowu knihu „Die halbe Revolution?“.

Jězba za 5. a 6. lětnik do Naumburga

Džěci 5. a 6. lětnika su wot póndže do štwórtka, 14. do 17. oktobra, na jězbu do Naumburga prošene. Wot kóždého wobdžělnika zběra so přinošk we wysokosći 80 eurow. Zajimcy njech so prošu hač do srjedy, 2. oktobra, we Worklečanskim Don Boskowym domje přizjewja, telefonowe čisło (03 57 96) 88 707. Jězbu zarjaduje dekanatne dušepastyrstwo za džěci, kotraž poda pod čisłom (01 52) 04 39 96 17 na naprašowanje nadrobniše informacije.

Duchowna hudźba w Marijinej hwězdze

Mainzski tachantski chór swjateho Měrcina wuhotuje sobotu, 5. oktobra, we 18 hodž. koncert duchowneje hudźby w cyrkwi klóštra Marijineje hwězdy. Pod titulom „Wołanja – pěsnje wěčnosće“ zanjese 75 spěwarkow a spěwarjow chórowe twórby ze wšelakich lěstotkow. Klóšterske knježny wšitkich wutrobnje přeprašuja.

Hudźbny nyšpor w Baćonju

Towarstwo Cyrila a Metoda přeprašuje zhromadnje z Baćońskej wosadu na hudźbny nyšpor k spominanju na 225. posmjertniny kěrlušerja, kanonika a šolastika Michała Wałdy, kotryž wotměje so njedźelu, 13. oktobra, w 14 hodž. w Baćońskej cyrkwi. Chróśćanski cyrkwinski chór jón wuhotuje.

Eksercicije za Serbow – „Što nas wozboža?“

Lětuše eksercicije za Serbow budu wot pjatka, 8. nowembra, wječora hač do njedže, 10. nowembra, připołdnja pod temu „Što nas wozboža?“. Wěriwi ze serbskich wosadow su přeprašeni, so na tutech dnjach wobdžělic. Přizjewjenja přijimuju direktnje w Exerzitenhaus HohenEichen, Dresdner Str. 73, 01326 Dresden, info@haus-hoheneichen.de, telefonowe čisło (03 51) 2 61 64 10 abo w Chróścicach na farje, telefonowe čisło (03 57 96) 80 40 22.

Mandželski seminar

Přizjewjenja za přihot na sakrament mandželstwa wot pjatka do soboty, 29. nowembra do 30. nowembra, přijimuju so pisomnje hač do srjedy, 6. nowembra, w Dekanatnym dušepastyrstwe we Worklecach. Formulary k tomu su w cyrkwjach wupožene.

Patchworkowy šićowy kurs

Dom biskopa Bena w Smochćicach přeprašuje wšitkich zajimcow wot pjatka do nje-džeze, 25. do 27. oktobra na patchworkowy šićowy kurs. W přijomnej atmosferje doži-wja, kak móže zajimawe patchworkowe džěło wutrajnje a wjesele nastać. Nadrobniše informacije su na internetowej stronje pod www.benno-haus.de wozjewjene. W Smoch-ćicach přizjewić měli so zajimowani hač do wutory, 1. oktobra, telefonisce pod čisłom (03 59 35) 22 31 6 abo pisomnje z mailku pod info@benno-haus.de